



18. januar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

1. **Akuersissuteqaqqaarluni nakorsaatit pissarsissutigineqarsinnaasut peqquserlullu akiginarneqarnerannut Naalackersuisut qanoq akiuiniassappat?**
  - a. **Nakorsaatit pillugit Inatsisartut peqqussutaat nr.1, 12.maj 2005-imeersoq allangortissallugu Naalackersuisut pilersaaruteqarpat?**
  - b. **Akuersissuteqaqqaarluni nakorsaatit pissarsiarineqarsinnaasunut atornerluisoqalernissaanik misillernermet tunngatillugu, akuiniarnissaq siunertaralugu Nakorsaatit pillugit ataatsimiitsitaliamiit oqaaseqaammik, Naalackersuisut piniassallutik pilersaaruteqarnerlutik?**
  - c. **Akuersissuteqaqqaarluni nakorsaatit pissarsissutigineqarsinnaasut ukiuni kingullerni nunatta avataaniit anngiortumik eqqussorneqarnerisa annertuseriarsimanerat Naalackersuisut uppersarsinnaanerlunikku?**
2. **Inerteqqutinik ikiaroorartunik anngiortumik eqqussuinerit akiorniarlugit Naalackersuisut suut pilersaarutigaat?**
  - a. **Qinigaaffik uani nakkutilliinerup nukittorsarnissaanut pilersaaruteqartoqarnerluni?**
  - b. **Imaatigut inerteqqutinik ikiaroorartunik anngiortumik eqqussuinerup nakkutilliivigineqarnissaanut nakkutilliineq attatiinnarneqarnissaanut Naalackersuisut suut pilersaarutigaat?**
3. **Kalaallit Nunaanni hash-mik akiginiaaneq aammalu hash-mik atuineq akiorniarlugu Naalackersuisut suut tigussaasut pilersaarutigaat?**
4. **Qinigaaffik uani atornerluisuunermiit katsorsarneqarnissamut neqerooruteqartarnek nalilersorneqarnissaanut, tamatumani Allorfik, Naalackersuisut pilersaaruteqarnerlutik?**
  - a. **Innuttaasut atornerluisuunermiit katsorsarneqarnissaminnut pisariaqartitsisunut katsorsaariaatsit neqeroorutigineqarsinnaasut namminersorlutik inuussutissarsiuteqartut aqqutigalugit suliaqartitsinissaminnut aammalu neqeroorutinut annertusaanissaminnut Naalackersuisut eqqarsaatersuuteqarnerlutik?**
5. **Pineqartumut Naalackersuisut allanik paasissutissiisinnaanerlutik?**

(Inatsisartunut ilaasortaq Anna Wangenheim, Demokraatit)



### **Tungavilersuut**

Atornerluisuuneq aammalu atornerluisuunermiit katsorsarneqarnek uteqqiattumik inuiaqatigiinnut unammillernartuuvoq, inunnut, ilaqutariinnut attaveqaatinullu avissaartuutsitsillunilu aaqqiagiinngitsitsisoq. Tamatumanilu immikkut eqqumaniarfigisassaavoq, ukiuni kingullerni takornariaqarnikkut sulisussaqaarnikkut assigisaanillu nunatta avataaniit annertuumik isaasoqarnerulersimammat.

Nakkutilliinermut nukissanik naammattunik ilumut qulakkeerinnittoqarnerseq qularfigaara, tamatumanilu inerteqqutinik ikiaroorartunik aammalu nakorsaatinik akuersissuteqaqqaarluni pissarissutigineqarsinnaasunik akigeqqitassanngorlugit anngiortumik eqqussuinerlut akiuiniarnissamut qanoq qulakkeerinnitsigineqarnerseq. Taamaattumik Demokraatinut pingaartuuvoq innuttaasut peqqissusaat iluarisimaarinninnerallu illersussagigut, nakkutilliinerullu kiffaanngissuseqarnerlu nammaqatigiinnissaat pingaartitaralugu. Innuttaasut nakorsiallu ulluinnarni atorfissaqartitsillutik nakorsaatinik akuersissuteqarlutik atuisut naqissuserneqarnissaat anguniangilarput. Taamaattumik nakorsaatinik akuersissuteqaqqaarluni pissarsinissamut sukaterinikkut pisariaqartitsisut eqqorreqannginnissai illuatungaani pinaveersaartitsineq paasititsiniaanikkullu pinaveersaartitsinermik sulineq immikkut isiginiarneqassaaq.

Taamatuttaarlu aamma eqqumaariffigaarput inummut ataasiakkaamut tulluurtunik ikiorserneqarnissamut tulluurtunik neqerooruteqartoqarsinnaanissaa kiffaanngissuseqarfigineqassasoq, tamannalu pillugu atornerluinerlut katsorsarneqarnissamut neqeroorutigineqartartut tamatigoornissai qulakkiissallugu sulisoqassaaq, minnerunngitsumillu innuttaasut peqqinnissaat iluarisimaarinninnissaallu qulakkiissallugu.

Apeqqutit ullut qulit suliffiusut iluanni akineqareersimanissaat kissaatigaara.